

Na osnovu tačke 5.2. Uputstva „Popunjavanje radnih mjesta u Društvu“ i odluka Uprave J.P. Međunarodni aerodrom "SARAJEVO" d.o.o. Sarajevo, broj: 05-1-30-2-1667-8/25 od 14.07.2025. i broj: 05-1-30-2-1667-9/25 od 18.07.2025. godine, te saglasnosti Federalnog ministarstva prometa i komunikacija, broj: 11-45-1563-1/25 od 08.09.2025. godine, **J.P. Međunarodni aerodrom "SARAJEVO" d.o.o. Sarajevo, dana 01.10.2025. godine raspisuje**

JAVNI OGLAS **za prijem u radni odnos na neodređeno vrijeme**

I

Raspisuje se javni oglas za prijem u radni odnos na neodređeno vrijeme za rad na radnim mjestima:

1. **Stručni saradnik za AGL**, u Sektoru razvoja, tehnike i standardizacije: **1 (jedan) izvršilac na neodređeno vrijeme**, sa početkom rada nakon okončanja oglasne procedure, ali ne prije 01.05.2026. godine;
2. **Stručni saradnik za aerodromsku infrastrukturu kategorije II**, u Sektoru razvoja, tehnike i standardizacije: **2 (dva) izvršioca na neodređeno vrijeme**, sa početkom rada nakon okončanja oglasne procedure;
3. **Stručni saradnik za održavanje mašinskih postrojenja, instalacija i opreme**, u Sektoru razvoja, tehnike i standardizacije: **1 (jedan) izvršilac na neodređeno vrijeme**, sa početkom rada nakon okončanja oglasne procedure;
4. **Higijeničar I kategorije**, u Sektoru razvoja, tehnike i standardizacije: **1 (jedan) izvršilac na neodređeno vrijeme**, sa početkom rada nakon okončanja oglasne procedure.

II

Shodno članu 87. st. (1) i (2) Pravilnika o radu J.P. Međunarodni aerodrom "SARAJEVO" d.o.o. Sarajevo kandidati koji apliciraju za radna mjesta iz tačke I ovog javnog oglasa, osim opštih uslova propisanih zakonom, moraju ispunjavati i sljedeće posebne uslove:

I 1. Stručni saradnik za AGL

- stručna sprema: VSS/MA - VII stepen stručne sprede predbolonjskog sistema, odnosno visoko obrazovanje, najmanje prvog ciklusa bolonjskog sistema (koji se vrednuje s minimum 240 ECTS bodova);
 - struka/smjer : Elektrotehnički fakultet ili Fakultet za saobraćaj i komunikacije – smjer zrakoplovni saobraćaj;
 - znanja/vještine/sposobnosti:
 1. poznavanje rada na računaru;
 2. znanje engleskog jezika;(provjeriće J.P. Međunarodni aerodrom "SARAJEVO" d.o.o. Sarajevo testiranjem)
 - dodatni zahtjevi/znanja:
 1. rad u softverskim programima ACAD i VISIO;
 - (provjeriće J.P. Međunarodni aerodrom "SARAJEVO" d.o.o. Sarajevo testiranjem)
 2. važeća vozačka dozvola najmanje „B“ kategorije;
 - radno iskustvo: najmanje jedna godina radnog iskustva u struci;
 - probni rad: 4 mjeseca.
- Opis poslova radnog mjesta:
1. organizuje rad i unapređuje održavanje lighting sistema u svim segmentima;
 2. prati tehnološka unapređenja za rasvjetni sistem i po potrebi ih primjenjuje;
 3. učestvuje u unapređenju rada svih elektroenergetskih postrojenja;
 4. iznalazi rješenja za primjenu novih tehnologa za primjenu u AGL-u;
 5. organizuje i nadzire rad izvođača angažovanih na poslovima iz domena svoje struke;
 6. izrađuje planske i investiciono-tehničke dokumente i projekte;
 7. učestvuje u izradi tehničkih podloga za tendersku dokumentaciju za javne nabavke iz domena aerodromskog rasvjetnog sistema AGL i postrojenja elektroenergetike elektro – energetike;
 8. provodi mjere zaštite okoliša, vodi brigu o smanjenju elektronskog opasnog otpadu i sarađuje sa Menađerom za okoliš po ovom pitanju;
 9. prati tehnologije rada iz oblasti zrakoplovstva u domenu radnog mjesta, planira i vodi projekte iz oblasti aeronautike na nivou sektora i učestvuje u onima koji imaju uticaje na aeronautičke podatke Društva;
 10. obavlja i druge poslove po nalogu neposredno nadređenog za koje je osposobljen.

I 2. Stručni saradnik za aerodromsku infrastrukturu kategorije II

- stručna sprema: VSS/MA - VII stepen stručne sprede predbolonjskog sistema, odnosno visoko obrazovanje, najmanje prvog ciklusa bolonjskog sistema (koji se vrednuje s minimum 240 ECTS bodova);
- struka/smjer : Arhitektonsko – urbanistički fakultet ili Građevinski fakultet;

- znanja/vještine/sposobnosti:
 1. poznavanje rada na računaru;
 2. znanje engleskog jezika;
 (provjeriće J.P. Međunarodni aerodrom "SARAJEVO" d.o.o. Sarajevo testiranjem)
- radno iskustvo: najmanje jedna godina radnog iskustva u struci;
- probni rad: 4 mjeseca.

Opis poslova radnog mjesta:

1. učestvuje u planiranju i održavanju objekata na Međunarodnom aerodromu Sarajevo;
2. koordinira razvojne projekte s nadležnim državnim organima i institucijama;
3. izrađuje tehničke podloge za tendersku dokumentaciju za javne nabavke iz domena niskogradnje i visokogradnje;
4. vrši koordinaciju između izvođača radova i nadzornog organa u realizaciji projekata iz domena Sektora, te vrši stručni nadzor na izgradnji objekata;
5. prati zakonsku i drugu regulativu, kao i tehnička dostignuća iz domena posla koji obavlja i iste primjenjuje;
6. učestvuje u izradi i provedbi planska i investiciono-tehničke dokumentacija;
7. priprema potrebnu dokumentaciju i izrađuje potrebne podloge za ishodovanje odobrenja za građenje;
8. prati savremene trendove aerodromskog razvoja, predlaže unaprjeđenja;
9. identifikuje rizike iz domena posla koji obavlja, procjenjuje ih i predlaže mjere za ublažavanje;
10. prati tehnologije rada iz oblasti zrakoplovstva u domenu radnog mjesta, planira i vodi projekte iz oblasti aeronautike na nivou sektora i učestvuje u onima koji imaju uticaje na aeronautičke podatke Društva;
11. obavlja i druge poslove po nalogu šefa Službe za koje je osposobljen.

I 3. Stručni saradnik za održavanje mašinskih postrojenja, instalacija i opreme

- stručna sprema: VSS/MA - VII stepen stručne sprede predbolonjskog sistema, odnosno visoko obrazovanje, najmanje prvog ciklusa bolonjskog sistema (koji se vrednuje s minimum 240 ECTS bodova);
- struka/smjer : Fakultet tehničkog smjera;
- znanja/vještine/sposobnosti:
 1. poznavanje rada na računaru;
 2. znanje engleskog jezika;
 (provjeriće J.P. Međunarodni aerodrom "SARAJEVO" d.o.o. Sarajevo testiranjem)
- radno iskustvo: najmanje jedna godina radnog iskustva u struci;
- probni rad: 4 mjeseca.

Opis poslova radnog mjesta:

1. izrađuje dokumentaciju i procedura za održavanje;
2. predlaže najoptimalnija tehnološka rješenja s aspekta efikasnosti i eksploatacije;
3. izrađuje projektne zadatke za nabavku i ugradnju opreme i postrojenja;
4. učestvuje u izradi projektne dokumentacije (idejne i izvedbene);
5. organizuje snimanje na terenu i izradu dokumentacije koja nedostaje;
6. organizuje pripremu tehničke dokumentacije za primjenu savremenih kompjuterskih programa (CAD i sl.);
7. pravi specifikacije za nabavku opreme;
8. vrši stručni nadzor na izgradnji i održavanju energetskih objekata, instalacija i pripadajućih uređaja; Planira i organizuje pravovremeno servisiranje energetskih instalacija i opreme;
9. planira i organizuje nabavku rezervnih dijelova;
10. vodi dokumentaciju o energetskim objektima i instalacijama (projekti, uputstva, servisne knjige, oštećenja, popravke i sl.);
11. prati razvoj i inovacije proizvođača opreme, te vodi dokumentaciju o istoj;
12. obavlja i druge poslove po nalogu šefa Službe.

I 4. Higijeničar I kategorije

- stručna sprema: NSS/KV - II ili III stepen stručne sprede;
- struka/smjer : društveni ili tehnički smjer;
- radno iskustvo: ne zahtjeva se;
- probni rad: 2 mjeseca.

Opis poslova radnog mjesta:

1. vrši čišćenje javnih površina na aerodromu
2. vrši čišćenje površina u pristanišnoj zgradi i poslovnim prostorijama Društva
3. vrši čišćenje poslovnih prostorija izdatih pod zakup
4. odgovoran je za kvalitetno, blagovremeno i zakonito obavljanje poslova iz opisa ovog radnog mjesta
5. po nalogu Šefa službe obavlja i druge poslove za koje je osposobljen/a

III

Zainteresovani kandidati se na javni oglas prijavljuju podnešenjem pisane *Prijave za prijem u radni odnos*.

Prijava se podnosi isključivo na propisanom, uredno popunjenom i vlastoručno potpisanom obrascu "Prijava za zapošljavanje", broj UP 05-01 02, koji se može preuzeti na službenoj web stranici J.P. Međunarodni aerodrom "SARAJEVO" d.o.o. Sarajevo: www.sarajevo-airport.ba, u rubrici "O nama", podrubrika „Ljudski resursi“, članak "Prijava za zapošljavanje" – link za preuzimanje obrasca ili lično, na protokolu, u sjedištu J.P. Međunarodni aerodrom "SARAJEVO" d.o.o. Sarajevo – ulica Kurta Schorka broj 36, 71210 Ilidža – Sarajevo (kompleks Međunarodnog aerodroma Sarajevo).

U Prijavi za zapošljavanje kandidat je obavezan ČITKO upisati kontakt telefon i e-mail adresu.

NAPOMENA: Ukoliko se prijava ne podnese na propisanom obrascu, odnosno vlastoručno ne potpiše na za to predviđenom mjestu, te ukoliko se u istoj čitko ne napiše broj telefona i e-mail adresa, ista se neće uzeti u razmatranje.

Uz Prijavu za zapošljavanje se prilaže sljedeća dokumentacija:

1. **izvod iz matične knjige rođenih - rodni list, trajni** (original ili ovjerena fotokopija);
2. **uvjerenje o državljanstvu BiH, ne starije od šest mjeseci** (original ili ovjerena fotokopija);
3. **potvrda mjesta prebivališta („CIPS“ prijava), ne starija od šest mjeseci** (original ili ovjerena fotokopija);
4. **dokazi o ispunjavanju traženih posebnih uslova za radno mjesto za koje se kandidat prijavljuje** (original ili ovjerena fotokopija), i to:
 - a. diploma/svjedočanstvo/svjedodžba o završenom obrazovanju za traženi stepen stručne spreme - SVI KANDIDATI,
(*Napomena: Kandidati koji kao dokaz stručne spreme dostavljaju diplomu o završenom visokom obrazovanju po bolonjskom sistemu studiranja, obavezni su uz istu dostaviti i dodatak/dodatke diplomi, kao njen sastavni dio. U slučaju nedostavljanja dodatka/dodataka diplomi, smatraće se da kandidat nije dostavio odgovarajući dokaz stručne spreme*)
 - b. dokaz o radnom iskustvu – SVI KANDIDATI, osim kandidata koji se prijavljuju na radno mjesto I 4. "Higijeničar I kategorije"
 - c. važeća vozačka dozvola najmanje „B“ kategorije – SAMO KANDIDATI KOJI SE PRIJAVLJUJU NA RADNO MJESTO: I 1. „Stručni saradnik za AGL“
5. **potvrda ili uvjerenje ili drugi relevantan dokument izdat od strane nadležnog organa da kandidat ima status iz: Zakona o pravima branilaca i članova njihovih porodica** („Službene novine FBiH“, br.: 33/04, 56/05, 70/07, 9/10, 95/13, 90/17 i 29/22), **Zakona o pravima demobiliziranih branilaca i članova njihovih porodica** („Službene novine FBiH“, br. 54/19, 29/22, 81/23 i 60/24) i **Zakona o posebnim pravima dobitnika ratnih priznanja i odlikovanja i članova njihovih porodica** („Službene novine FBiH“, br. 70/05, 61/06, 9/10, 90/17, 29/22 i 60/24) – SAMO KANDIDATI KOJI IMAJU NEKI OD STATUSA IZ NAVEDENIH ZAKONA ukoliko žele da pod jednakim uslovima, tj sa ostvarenim istim ukupnim brojem bodova, ostvare prednost pri zapošljavanju.

NAPOMENA: J.P. Međunarodni aerodrom "SARAJEVO" d.o.o. Sarajevo će zadržati prijave i dokumentaciju dostavljenu uz iste, te se ista neće vraćati podnosiocima prijava.

IV

Prijava na javni oglas, sa naprijed naznačenom dokumentacijom, podnosi se putem pošte ili neposredno u sjedištu J.P. Međunarodni aerodrom „SARAJEVO“ d.o.o. Sarajevo (protokol), Sarajevo-Ilidža, ulica Kurta Schorka broj 36 (kompleks Međunarodnog aerodroma Sarajevo), u zatvorenoj koverti, na kojoj treba biti napisano:

PRIMALAC: J.P. Međunarodni aerodrom „SARAJEVO“ d.o.o. Sarajevo

Ul. Kurta Schorka broj 36

71 210 I L I D Ž A - S A R A J E V O

sa naznakom: „Prijava na javni oglas za prijem u radni odnos na radno mjesto:

_____ - NE OTVARATI“
(*upisati puni naziv radnog mjesta za koji se prijava podnosi*)

Na poleđini koverta potrebno je napisati:

- ime i prezime kandidata,
- naziv i broj ulice stanovanja,
- naziv i poštanski broj mjesta stanovanja (općina i/ili grad).

Ukoliko kandidat ima namjeru da se prijavi na dva ili više radnih mjesta, dužan je za svako radno mjesto na koje se prijavljuje podnijeti posebnu prijavu, sa zahtjevanom dokumentacijom, u posebnoj koverti.

V

Dodatne i detaljne upute i pojašnjenja u pogledu prijave na javni oglas, kao i u pogledu tražene dokumentacije, te po drugim relevantnim pitanjima u vezi sa prijavom, mogu se pronaći u dokumentu „Vodič za prijavu na javni oglas J.P. Međunarodni aerodrom „SARAJEVO“ d.o.o. Sarajevo – Zasnivanje radnog odnosa“.

Navedeni dokument može se preuzeti na službenoj web stranici J.P. Međunarodni aerodrom "SARAJEVO" d.o.o. Sarajevo: www.sarajevo-airport.ba, u rubrici "O nama", podrubrika „Ljudski resursi“, članak "Prijava za zapošljavanje" – link za preuzimanje dokumenta „Vodič za prijavu na javni oglas J.P. Međunarodni aerodrom SARAJEVO d.o.o. Sarajevo“.

VI

Za provođenje oglasne procedure po ovom oglasu formiraće se posebne komisije.

Proces izbora kandidata za prijem u radni odnos zasnivaće se na razmatranju dostavljene dokumentacije i održanim testovima/provjerama: usmeni test/intervju, stručni test, testovi znanja engleskog jezika i poznavanja rada na računaru, u zavisnosti od zahtjevanih uslova pojedinog radnog mjesta.

Komisije će kandidate ocjenjivati na osnovu rezultata pokazanih tokom gore navedenih testiranja/intervjua, nakon čega će sačiniti listu uspješnih kandidata i dostaviti je nadležnom organu na odlučivanje.

U slučaju da u toku postupka izbora kandidata za prijem u radni odnos neki od kandidata ostvare jednak broj bodova, prednost pri zapošljavanju, pod jednakim uslovima, tj ostvarenim istim ukupnim brojem bodova, će imati kandidat koji ima neki od statusa iz tačke III 5. ovog Oglasa, ukoliko takvih kandidata ima i ukoliko su dokaznu dokumentaciju o tom statusu dostavili uz prijavu.

VII

Nakon provedenog postupka odabira najuspješnijih kandidata, od izabranih kandidata će se zatražiti dostavljanje:

- ljekarskog uvjerenja – dokaz o zdravstvenom stanju i psihofizičkoj sposobnosti izabranog/izabranih kandidata, a koji odgovaraju uslovima radnog mjesta iz tačke I ovog oglasa;
- uvjerenje o nevođenju krivičnog postupka - dokumentacija potrebna za izdavanje dozvole za kretanje i zadržavanje lica na međunarodnim aerodromima u skladu sa Pravilnikom o izgledu, sadržaju, uvjetima i postupku izdavanja i oduzimanja dozvola za kretanje i zadržavanje lica na međunarodnim aerodromima ("Službeni glasnik Bosne i Hercegovine", broj: 45/25) i 2 fotografije.

VIII

Krajnji rok za podnošenje prijava po ovom javnom oglasu, odnosno za njihovu predaju na poštu ili na protokol J.P. Međunarodni aerodrom SARAJEVO“ d.o.o. Sarajevo, je 8 (osam) dana od dana njegovog objavljivanja, tj **09.10.2025. godine**.

Neblagovremene, nepotpune i neuredne prijave, odnosno prijave koje nisu podnešene u skladu sa zahtjevima ovog javnog oglasa, kao i u skladu sa Vodičem za prijavu na javni oglas J.P. Međunarodni aerodrom SARAJEVO“ d.o.o. Sarajevo za zasnivanje radnog odnosa, se neće razmatrati.